

# Trgovina uslugama između BiH i Turske

Septembar 2021 | E-mail novosti

“Međunarodna trgovina uslugama čini 7% svjetskog BDP-a.”

UNCTAD Handbook of Statistics 2020

## Sadržaj

01. Novi Ugovor o slobodnoj trgovini

02. Kako se trguje uslugama?

03. Koje usluge su liberalizirane za pružaoce usluga iz Bosne i Hercegovine?

“Izvoz Top 5 zemalja izvoznica usluga iz svijeta u razvoju čini 15% ukupnog izvoza usluga u 2019.”

“S 876 mlrd. USD usluga prodanih na međunarodnom nivou u 2019. godini, SAD su ostale vodeći svjetski izvoznik, čineći 14% globalnog izvoza usluga.”

UNCTAD Handbook of Statistics 2020

## Novi Ugovor o slobodnoj trgovini između Bosne i Hercegovine i Republike Turske

Ugovor koji je potpisan u Ankari, 2. maja 2019. godine, stupio je na snagu 1. augusta 2021. godine. Odluka o njegovoj ratifikaciji (uključujući kompletan tekst Ugovora) je objavljena u Službenom glasniku BiH – Međunarodni ugovori, broj 8/20.

Novim Ugovorom su modernizirane zastarjele odredbe Ugovora iz 2003. godine, te su pored odredaba o trgovini robama, unesene i odredbe o javnim nabavkama, unaprijeđen mehanizam za rješavanje sporova i ugovorene bilateralne povlastice za trgovinu uslugama.

Stupanjem na snagu novog Ugovora, prestao je da važi ranije zaključeni Ugovor kao i sve njegove izmjene.

## Kako se trguje uslugama?

Forme pružanja usluga (eng. Mode) su definisane Općim sporazumom o trgovini uslugama Svjetske trgovinske organizacije (GATS WTO) i ima ih ukupno četiri:

- ✓ **Prvi način** (Mode 1): *pružanje usluge preko državne granice ili tzv. prekogranična trgovina* – samo usluga prelazi granicu a potrošač ne. Npr. kupovina softwarea ili osiguranja od pružaoce usluge koji se nalazi u inostranstvu.
- ✓ **Drugi način** (Mode 2): *korištenje usluge u inostranstvu ili potrošnja u inostranstvu* – nastaje kada potrošač putuje u zemlju pružaoce usluge gdje uslugu kupuje. Npr. turističko putovanje, obrazovanje u inostranstvu, popravak broda u inostranstvu gdje samo imovina korisnika usluge putuje u inostranstvo itd.
- ✓ **Treći način** (Mode 3): *pružanje usluge kroz komercijalno prisustvo* – pružaoce usluge kao pravno lice ostvaruje tzv. „komercijalno prisustvo“ kroz direktno ulaganje na stranom tržištu. Npr. osnivanje banke u vlasništvu stranog lica ili filijale strane banke ili osiguravajućeg društva koje na tržištu prodaje svoje usluge.
- ✓ **Četvrti način** (Mode 4): *pružanje usluge kroz prisustvo fizičkog lica* – podrazumijeva privremeno prisustvo pojedinca (fizičkog lica) s ciljem pružanja usluge na stranom tržištu. Ta lica mogu biti samostalni pružaoce usluga (npr. ljekar) ili zaposleni u preduzeću koje se bavi pružanjem usluga.



BOSNA I HERCEGOVINA

Ministarstvo vanjske trgovine i ekonomskih odnosa

# “Usluge su postale okosnica svjetske ekonomije i najdinamičnija komponenta međunarodne trgovine”

WTO World Trade Report 2019

## Koji sektori usluga su liberalizovani za pružaoce usluga iz Bosne i Hercegovine kroz komercijalno prisustvo?

1. Poslovne usluge
2. Komunikacijske usluge
3. Građevinske i srodne inženjerske usluge
4. Usluge zaštite okoliša
5. Finansijske usluge
6. Usluge koje se odnose na turizam i putovanja
7. Rekreativne, kulturne i sportske usluge
8. Usluge prijevoza

U desnom dijelu su navedeni podsektori i konkretne usluge



### Kontakti:

Musala 9

Sarajevo

[www.mvteo.gov.ba](http://www.mvteo.gov.ba)

[info@mvteo.gov.ba](mailto:info@mvteo.gov.ba)

**Profesionalne usluge** – usluge oporezivanja, usluge poreznog planiranja i savjetovanja, arhitektonske usluge, usluge inženjeringa i integrirani inženjering, pejzažna arhitektura.

**Kompiuterske i srodne usluge** – konsultantske usluge za instaliranje hardwarea, obrada i pohranjivanje podataka, data i web hosting, održavanje i popravak opreme itd.

**Istraživanje i razvoj** – usluge istraživanja i razvoja u prirodnim, društvenim, humanističkim i interdisciplinarnim naukama.

**Ostale poslovne usluge** – oglašavanje, istraživanje tržišta, upravljačko savjetovanje, tehničko ispitivanje i analiza, analiza i kontrole vezane za izgradnju i građevinske materijale, plovila i avione, analiza sastava i čistoće i fizičkih svojstava, rudarstvo, popravka opreme, čišćenje objekata, fotografske usluge, pakovanje, štampanje, izdavaštvo, kongresne usluge.

**Audiovizuelne usluge** – produkcija i distribucija, prikazivanje (u kinima), RTV usluge, distribucija radio i tv programa (bez prijenosa), snimanje zvučnih zapisa.

**Građevinske i srodne usluge** – predmontažni radovi, novogradnja i popravak, restauracija i održavanje stambenih i nestambenih zgrada, građevinski radovi.

**Zaštita okoliša** – kanalizacija, odlaganje otpada, sanitarne i slične usluge, prečišćavanje ispusnih plinova, smanjenje buke.

**Osiguranje i povezane usluge** – direktno osiguranje (životno i neživotno), reosiguranje i retrocesija. Pomoćne usluge poput konsultantskih, aktuarskih, procjene rizika i naplate odštetnih zahtjeva.

**Bankarske i druge finansijske usluge** – garancije i obaveze, novčano posredovanje, pružanje i prijenos finansijskih informacija, savjetodavne, posredničke i druge pomoćne usluge uključujući kreditne preporuke i analizu.

**Turizam i putovanja** – hoteli i restorani, usluge turističkih agencija i turoperatora.

**Usluge zabave** – teatarska produkcija, pjevačke grupe, bendovi i orkestri, bibliotekarstvo, arhivi, muzeji, očuvanje historijskih mjera i građevina, botanički i zoo vrtovi.

**Prijevoz** – pomorski prijevoz osim kabotaže, zračni prijevoz (prodaja i marketing, kompiuterski sistem rezervacije), prateće usluge u cestovnom prijevozu, prateće usluge u vezi sa svim načinima prijevoza (rukovanje teretom, licencirana skladišta, agencijske usluge kod prijevoza tereta i sl.)

Većinu navedenih usluga je moguće pružati i u Modu 1.

\* \* \*

**Napomena:** Prilikom osnivanja firme potrebno je upoznati se sa nacionalnim zakonodavstvom Turske koje uređuje konkretni sektor usluga. Preporučujemo konsultacije sa turskim advokatom. Osim navedenih sektora, postoji mogućnost pružanja usluga i u drugim sektorima uz određena ograničenja, odnosno ispunjavanje zahtjeva koje propisuje tursko zakonodavstvo. Za detaljno sagledavanje mogućnosti, preporučuje se proučiti Ugovor koji je objavljen i na web stranici Ministarstva vanjske trgovine i ekonomskih odnosa Bosne i Hercegovine.